

**АВТО ЗАМ, ЗАМЫН БАЙГУУЛАМЖИЙН ТЕХНИК-ЭДИЙН ЗАСГИЙН ҮНДЭСЛЭЛ,
ИНЖЕНЕРИЙН НАРИЙВЧИЛСАН ЗУРАГ ТӨСӨЛ БОЛОВСРУУЛАХ, БАРИХ,
АРЧЛАХ, ЗАСВАРЛАХ, ТЕХНИК, ТЕХНОЛОГИЙН ХЯНАЛТ ТАВИХ ЗӨВЛӨХ
ҮЙЛЧИЛГЭЭ ҮЗҮҮЛЭХ АЖЛЫН ТУСГАЙ ЗӨВШӨӨРӨЛ ОЛГОХ ЖУРАМ**

НЭГ. Нийтлэг үндэслэл

1.1. Авто зам, замын байгууламжийн техник-эдийн засгийн үндэслэл, инженерийн нарийвчилсан зураг төсөл боловсруулах, барих, арчлах, засварлах, техник, технологийн хяналт тавих зөвлөх үйлчилгээ үзүүлэх хүсэлт гаргасан, Монгол улсад бүртгэлтэй аж ахуйн нэгж, байгууллагад өмчийн хэлбэрийг үл харгалзан тухайн үйл ажиллагаа эрхлэх тусгай зөвшөөрөл олгох, түдгэлзүүлэх, сунгах, хүчингүй болгохтой холбогдсон харилцааг энэхүү журмаар зохицуулна.

1.2. Энэхүү журмын хавсралтад заасан суурь нөхцөл шаардлагыг хангасан аж ахуйн нэгж, байгууллагад холбогдох ажлын төрлөөр тусгай зөвшөөрөл олгоно.

1.3. “Авто зам, замын байгууламжийн техник-эдийн засгийн үндэслэл, инженерийн нарийвчилсан зураг төсөл боловсруулах, барих, арчлах, засварлах, техник, технологийн хяналт тавих зөвлөх үйлчилгээ тусгай зөвшөөрөл”-ийг /цаашид тусгай зөвшөөрөл гэх/ ажлын хэсгийн гаргасан дүгнэлтийг үндэслэн авто замын асуудал эрхэлсэн Засгийн газрын гишүүний шийдвэрээр олгоно.

***ХОЁР. Тусгай зөвшөөрөл олгоход шаардагдах баримт бичгийг
бүрдүүлэх, эрх олгох нөхцөл***

2.1. Тусгай зөвшөөрөл шинээр авах, сунгуулахыг хүссэн аж ахуй нэгжийн үйл ажиллагаа, үйлдвэрлэлийн бааз, техникийн хангамж, инженер техникийн мэргэжлийн ажилчид болон бусад шаардлагыг хангаж байгаа эсэхийг шалгаж дүгнэлт гаргах ажлын хэсгийг Авто замын асуудал эрхэлсэн Засгийн газрын гишүүний тушаалаар байгуулна.

2.2. Тусгай зөвшөөрөлтэй холбогдсон мэдээллийн сан бүрдүүлэх, тусгай зөвшөөрөл эзэмшигчтэй гэрээ байгуулах, гэрээний биелэлтэнд хяналт тавих, тайлан мэдээнд дүн шинжилгээ хийж, дүнг тайлагнах ажлыг Авто замын асуудал эрхэлсэн төрийн захиргааны байгууллага хариуцна.

2.3. Тусгай зөвшөөрөл авахыг хүссэн аж ахуйн нэгж нь “Аж ахуйн үйл ажиллагааны тусгай зөвшөөрлийн тухай” Монгол Улсын хуулийн 11 дүгээр зүйлийн 11.1-д заасан бичиг баримтыг бүрдүүлнэ.

2.4. Тусгай зөвшөөрөл авахыг хүссэн аж ахуйн нэгж нь тусгай зөвшөөрөл хүссэн өргөдлийг Авто замын асуудал эрхэлсэн төрийн захиргааны байгууллагад ирүүлнэ. Үүнд:

- 2.4.1. Хүсэлт гаргагчийн мэдээлэл
- 2.4.2. Холбогдох ажлын төрлийг хүссэн өргөдөл
- 2.4.3. Удирдах ажилтнуудын мэдээлэл
- 2.4.4. Инженер техникийн ажилтны мэдээлэл



2.4.5. Механизм тоног төхөөрөмжийн жагсаалт мэдээлэл
Ажлын хэсэг өргөдлийг хүлээж авснаас хойш дүгнэлт гаргах явцад шаардлагатай бусад баримт бичгийг шаардаж болно.

2.5. Тусгай зөвшөөрөл шинээр авах, сунгуулахыг хүсэгч аж ахуйн нэгж нь энэ журмын хавсралтад заасан суурь, нөхцөл шаардлагыг хангасан байна.

2.6. Тусгай зөвшөөрөл авахыг хүссэн аж ахуйн нэгж, байгууллагаас энэ журмын 2.3, 2.4, 2.5-т заасан баримт бичгийг хүлээн авсан өдрөөс хойш “Аж ахуйн үйл ажиллагааны тусгай зөвшөөрлийн тухай” Монгол Улсын хуулийн 12 дугаар зүйлд заасны дагуу 28 хоногийн дотор асуудлыг шийдвэрлэнэ.

2.8. Ажлын хэсэг зөвшөөрөл хүссэн аж ахуйн нэгж, байгууллагын Инженер-техникийн ажилтан, тоног төхөөрөмж, багаж хэрэгсэл, техник хангамжтай шаардлагатай тохиолдолд газар дээр нь танилцаж, ирүүлсэн материалыг хянан үзэж тусгай зөвшөөрлийг олгох дүгнэлт гаргана.

2.9. Тусгай зөвшөөрлийг энэхүү журмын 2.3, 2.4, 2.5 болон хавсралтад заасан нөхцөл, шаардлагыг хангасан Монгол Улсад бүртгэлтэй аж ахуйн нэгж, байгууллагуудад энэ журмын хавсралтад заасан ажлын төрлөөр 3 жил хүртэл хугацаагаар олгоно.

2.10. Шаардлага хангахгүй тохиолдолд Ажлын хэсэг тусгай зөвшөөрөл олгох болон сунгахаас татгалзах эрхтэй.

***ГУРАВ. Тусгай зөвшөөрөл авах аж ахуйн нэгжид
тавигдах ерөнхий шаардлага***

3.1. Тусгай зөвшөөрөл авах аж ахуйн нэгж нь эрхлэх үйл ажиллагааны төрлөөс хамаарч журмын хавсралтад заасан инженер техникийн ажилтан болон холбогдох мэргэжилтэй ажиллагсадтай байна.

3.2. Шаардлагатай инженер-техникийн ажилтнуудын мэргэжлийн дипломын хуулбарыг хавсаргана. Шаардлагатай тохиолдолд эх хувийг шалгана.

3.3. Тусгай зөвшөөрөл эзэмшигч байгууллага нь чадавхийн мэдээлэл, инженер техникийн ажилтны шилжилт хөдөлгөөнийг тухай бүрт нь Авто замын асуудал эрхэлсэн төрийн захиргааны байгууллагын мэдээллийн санд бүртгүүлнэ.

3.4. Тоног төхөөрөмж, багаж хэрэгсэл нь тухайн ажлыг гүйцэтгэхэд технологийн бүрдэл, тоо хэмжээ, ашиглалтын шаардлага хангасан байхын зэрэгцээ нийт тоног төхөөрөмж, багаж хэрэгсэлийн 60-аас доошгүй хувь нь тусгай зөвшөөрөл хүсч байгаа аж ахуйн нэгжийн үндсэн хөрөнгөд бүртгэлтэй өөрийн өмчлөлийн тоног төхөөрөмж, багаж хэрэгсэл байна.

3.5. Зарим тоног төхөөрөмж, багаж хэрэгслийг түрээсээр ажиллуулж болох ба энэ тохиолдолд түрээслүүлэгч байгууллагатай түрээсийн гэрээ байгуулсан байна. Тоног төхөөрөмжийн техник ашиглалтын байдлыг харуулсан техникийн гэрчилгээний хуулбарыг нотариатаар батлуулан түрээсийн гэрээнд хавсаргана.



3.6. Тусгай зөвшөөрөл хүссэн аж ахуйн нэгж нь авто замын салбарт үйл ажиллагаа явуулахад мөрдөх Үндэсний стандарт, норм норматив болон бусад техникийн баримт бичгийн бүрдэлтэй байх ба баримт бичиг худалдан авсан баримтыг хавсаргана.

3.7. Тусгай зөвшөөрөл хүссэн баримт бичгийн үнэн зөв болохыг баталгаажуулан аж ахуйн нэгж, байгууллагын захирал /дарга/ гарын үсэг зурж, тэмдэг дарсан байна.

***ДӨРӨВ. Тусгай зөвшөөрөл олгох, түдгэлзүүлэх,
хүчингүй болгох, сунгах***

4.1. Тусгай зөвшөөрлийн хугацаа, нөхцөл, шаардлагыг зөрчсөн тохиолдолд “Аж ахуйн үйл ажиллагааны тусгай зөвшөөрлийн тухай” Монгол Улсын хуулийн 13 дугаар зүйлийн 13.1-д заасныг үндэслэн тусгай зөвшөөрлийг олгосон байгууллага түүнийг 3 сар хүртэл хугацаагаар түдгэлзүүлж болно.

4.2. Дээр дурьдсан нөхцөл байдал үүссэнийг нотолсон эрх бүхий байгууллагын санал, дүгнэлтийг үндэслэн тусгай зөвшөөрлийг түдгэлзүүлэх, хүчингүй болгох саналыг ажлын хэсэг Авто замын асуудал эрхэлсэн Засгийн газрын гишүүнд танилцуулан шийдвэрлүүлнэ.

4.3. Тусгай зөвшөөрлийг түдгэлзүүлсэн шийдвэрийн талаар тусгай зөвшөөрөл эзэмшигч болон харьяалах татварын албанд 3 хоногийн дотор бичгээр мэдэгдэнэ.

4.4. Тусгай зөвшөөрлийг түдгэлзүүлсэн нөхцөл, байдал арилсан тухай гомдол гаргасан захиалагч болон мэргэжлийн хяналтын байгууллагын саналыг үндэслэн тусгай зөвшөөрлийг сэргээж болно.

4.5. Тусгай зөвшөөрлийг дараах тохиолдолд хүчингүй болгоно.

4.5.1. тусгай зөвшөөрөл эзэмшигч хүсэлт гаргасан;

4.5.2. хуулийн этгээд татан буугдсан;

4.5.3. тусгай зөвшөөрлийг авахдаа хуурамч бичиг баримт бүрдүүлсэн нь тогтоогдсон;

4.5.4. тусгай зөвшөөрлийн нөхцөл, шаардлагыг удаа дараа буюу ноцтой зөрчсөн;

4.5.5. тусгай зөвшөөрлийг түдгэлзүүлсэн хугацаанд зөрчлийг арилгах талаар тавьсан шаардлагыг биелүүлээгүй.

4.6. Тусгай зөвшөөрлийг түдгэлзүүлсэн болон хүчингүй болгосон тухай шийдвэрийн талаар шийдвэр гарснаас хойш 3 хоногийн дотор тусгай зөвшөөрөл эзэмшигч болон харьяалах татварын албанд бичгээр мэдэгдэнэ.

4.7. Тусгай зөвшөөрөл нь хүчингүй болсон мөн тусгай зөвшөөрлөө гээгдүүлсэн аж ахуйн нэгж байгууллага шаардлага хангасан нөхцөлд зөвшөөрөл авах хүсэлтээ дахин гаргаж болно. Тусгай зөвшөөрлийг үрэгдүүлсэн аж ахуйн нэгжид тусгай зөвшөөрлийн гэрчилгээг нөхөн олгохыг хүссэн өргөдөл, тэмдэгтийн хураамж төлсөн баримтыг үндэслэн гэрчилгээг нөхөж олгоно.



4.8. Тусгай зөвшөөрлийн хугацаа дуусахаас ажлын 30 өдрийн өмнө тусгай зөвшөөрлийг эзэмшигч нь уг зөвшөөрлийг сунгуулах хүсэлтээ Авто замын асуудал эрхэлсэн төрийн захиргааны байгууллагад хүргүүлнэ.

4.9. Тусгай зөвшөөрөл эзэмшигчийн өргөдлийг үндэслэн ажлын 28 хоногийн дотор тусгай зөвшөөрлийн хугацааг сунгах эсэх талаар энэхүү журмын 2.1-т заасан ажлын хэсэг дүгнэлт гаргана.

4.10. Ажлын хэсэг тусгай зөвшөөрлийг сунгах эсэх тухай гаргасан дүгнэлтээ Авто замын асуудал эрхэлсэн Засгийн газрын гишүүнд танилцуулж шийдвэрлүүлнэ. Хуульд өөрөөр заагаагүй бол тусгай зөвшөөрлийг анх олгосон хугацаанаас доошгүй хугацаагаар сунгах ба голлох бичиг баримтыг дахин бүрдүүлж ирүүлнэ. Үүнд:

4.10.1. Хүсэлт гаргагчийн мэдээлэл

4.10.2. Холбогдох ажлын төрлийг хүссэн өргөдөл

4.10.3. Инженер техникийн ажилтны мэдээлэл

4.10.4. Урьд жилүүдэд хийж гүйцэтгэсэн ажлууд

4.10.5. Механизм тоног төхөөрөмжийн жагсаалт мэдээлэл

ТАВ. Зөвшөөрөл олгоход авах хураамж, хариуцлага

5.1. Тусгай зөвшөөрөл олгоход Монгол Улсын Тэмдэгтийн хураамжийн хуулийн 15 дугаар зүйлд заасныг баримтлан тэмдэгтийн хураамж авч улсын төсөвт шилжүүлнэ.

5.2. Тусгай зөвшөөрөл авах хүсэлт гаргасан аж ахуйн нэгж нь тэмдэгтийн хураамжийг төлнө.

5.3. Тусгай зөвшөөрөл олгох, түдгэлзүүлэх, сунгах, хүчингүй болгохтой холбогдон гарсан маргааныг Монгол Улсын холбогдох хуулийн дагуу шийдвэрлэнэ.



-----oO-----

ТӨСӨЛ

журмын хавсралт

НЭГ. Техник-эдийн засгийн үндэслэл боловсруулах, авто зам, замын байгууламжийн зураг төсөл боловсруулах, техник, технологийн хяналт тавих зөвлөх үйлчилгээ үзүүлэх ажлын хүрээнд
Нийтлэг нөхцөл шаардлагыг хангахаас гадна дараах шаардлагыг хангасан байна.

Суурь, нөхцөл шаардлага

Ажилбар	Шаардлагатай инженер-техникийн ажилтан	Шалгуур үзүүлэлт	Шаардлагатай тоног төхөөрөмж
1.1.Техник-эдийн засгийн үндэслэл боловсруулах ажил			
1.1.1. Техник-эдийн засгийн үндэслэл боловсруулах	Авто замын инженер-2	Аль нэг авто замын инженер нь мэргэжлээрээ 10-аас доошгүй жилийн ажлын туршлагатай бөгөөд түүний 8 жил нь тухайн чиглэлийн ажил гүйцэтгэсэн байх, Зөвлөх зэрэгтэй байх шаардлагатай.	Компьютер, тоног төхөөрөмж, Програм хангамж, Нивелир, теодолит гэх мэт геодезийн хэмжилтийн багаж, хайгуулын ажлын машин, Стандарт норм дүрэм, төсвийн норм үнэлгээ, төсөв зохиох програм хангамжтай байх
	Гүүрийн инженер-1	Тухайн мэргэжлээрээ 10-аас доошгүй жилийн ажлын туршлагатай бөгөөд түүний 6 жил нь тухайн чиглэлийн ажил гүйцэтгэсэн байх, Зөвлөх зэрэгтэй байх шаардлагатай.	




	<p>Геодезийн инженер-1</p>	<p>Тухайн мэргэжлээрээ 5 жилийн ажлын туршлагатай үүнээс 3 жилд нь замын зураг төсөл дээр геодезийн инженерээр ажилласан байх шаардлагатай. Хэмжилтийн багажнуудыг чадварлаг эзэмшдэг байх. GPS болон топографын судалгаа, түүнтэй холбоотой программ хангамжийг мэргэжлийн түвшинд ашиглаж чаддаг байх.</p>	
<p>Инженер-эдийн засагч-1</p>		<p>Тухайн мэргэжлээрээ 5-аас доошгүй жилийн ажлын туршлагатай бөгөөд түүний 3 жил нь тухайн чиглэлийн ажил гүйцэтгэсэн байх. Мөн замын зураг төслийн ажилд төсөвчнөөр ажилласан байх /энэ чиглэлээр 5-аас доошгүй жилийн ажлын туршлагатай авто замын инженер байж болно./</p>	
<p>1.2. Авто зам, замын байгууламжийн зураг төсөл боловсруулах ажил</p>			
<p>1.2.1. Хурдны болон I ангиллын авто зам, замын байгууламжийн зураг төсөл боловсруулах /Замын байгууламжид 18 у/м-ээс ихгүй гүүр, гүүрэн гарц, усны хоолой, авто замын хөдөлгөөнд зориулсан газар доогуурх гарц, хонгил, ус зайлуулах шуудуу, замын хөдөлгөөний</p>	<p>Авто замын инженер-3</p>	<p>Аль нэг авто замын инженер нь тухайн мэргэжлээрээ 15-аас доошгүй жилийн ажлын туршлагатай бөгөөд түүний 10 жил нь тухайн чиглэлийн ажил гүйцэтгэсэн байх, Зөвлөх зэрэгтэй байх шаардлагатай.</p>	<p>Компьютер, тоног төхөөрөмж, Программ хангамж, Нивелир, теодолит гэх мэт геодезийн хэмжилтийн багаж, хайгуулын ажлын машин, Стандарт норм дүрэм, төсвийн норм үнэлгээ, төсөв зохиох программ хангамжтай байх</p>
<p>Гүүрийн инженер-1</p>		<p>Тухайн мэргэжлээрээ 15-аас доошгүй жилийн ажлын туршлагатай бөгөөд түүний 8 жил нь тухайн чиглэлийн ажил гүйцэтгэсэн байх, Зөвлөх зэрэгтэй байх шаардлагатай</p>	

<p>аюулгүй байдлыг хангах зориулалттай авто замын зурвас газарт байгаа бусад байгууламжууд хамаарна/</p>	<p>Геодезийн инженер-1</p>	<p>Тухайн мэргэжлээрээ 5 жилийн ажлын туршлагатай үүнээс 3 жилд нь замын зураг төсөл дээр геодезийн инженерээр ажилласан байх шаардлагатай. Хэмжилтийн багаж тоног төхөөрөмжийг чадварлаг эзэмшдэг байх. GPS болон топографын судалгаа, түүнтэй холбоотой программ хангамжийг мэргэжлийн түвшинд ашиглаж чаддаг байх.</p>	<p>Тухайн мэргэжлээрээ 5-аас багагүй жил ажилласан ажлын туршлагатай байх</p>
<p>Хөдөлгөөн зохион байгуулалтын инженер-1</p>	<p>Төсөвчин-1</p>	<p>Тухайн мэргэжлээрээ 5-аас доошгүй жилийн ажлын туршлагатай бөгөөд түүний 3 жил нь тухайн чиглэлийн ажил гүйцэтгэсэн байх. Мөн замын зураг төслийн ажилд Мэргэшсэн төсөвчнөөр ажилласан байх /энэ чиглэлээр 5-аас доошгүй жилийн ажлын туршлагатай авто замын инженер байж болно./</p>	<p>Энэ чиглэлээр 3 жилийн ажлын туршлагатай, үүнээс 1 жилд нь замын хайгуул, зураг төсөл дээр ажилласан байх</p>
<p>1.2.2. II болон түүнээс доош ангилалын авто зам, байгууламжийн зураг төсөл боловсруулах /Замын байгууламжид 30 у/м-ээс ихгүй гүүр, гүүрэн гарц, хиймэл</p>	<p>Авто замын инженер-2</p>	<p>Аль нэг инженер нь тухайн мэргэжлээрээ 10-аас доошгүй жилийн ажлын туршлагатай бөгөөд түүний 8 жил нь тухайн чиглэлийн ажил гүйцэтгэсэн байх, Зөвлөх зэрэгтэй байх,</p>	<p>Компьютер, тоног төхөөрөмж, Программ хангамж, Нивелир, теодолит гэх мэт геодезийн хэмжилтийн багаж, хайгуулын ажлын машин, Стандарт норм дүрэм, төсвийн норм үнэлгээ, төсөв зохиох программ хангамжтай байх</p>



<p>байгууламж; авто замын хөдөлгөөнд зориулсан газар доогуурх гарц, хонгил, ус зайлуулах шуудуу, замын хөдөлгөөний аюулгүй байдлыг хангах зориулалттай авто замын зурвас газарт байгаа бусад байгууламжууд хамаарна!</p>	<p>Гүүрийн инженер-1</p>	<p>Тухайн мэргэжлээрээ 8-аас доошгүй жилийн ажлын туршлагатай бөгөөд түүний 5 жил нь тухайн чиглэлийн ажил гүйцэтгэсэн байх, мэргэшсэн зэрэгтэй байх</p>	
<p>1.2.3. Хотын авто зам, замын байгууламжийн зураг төсөл боловсруулах /Замын байгууламжид 30 у/м-ээс ихгүй гүүр,</p>	<p>Авто замын инженер-2</p>	<p>Тухайн мэргэжлээрээ 5 жилийн ажлын туршлагатай үүнээс 3 жилд нь замын зураг төсөл дээр геодезийн инженерээр ажилласан байх шаардлагатай. <i>Хэмжилтийн багаж, тоног төхөөрөмжийг</i> чадварлаг эзэмшдэг байх. GPS болон топографын судалгаа, түүнтэй холбоотой программ хангамжийг мэргэжлийн түвшинд ашиглаж чаддаг байх.</p>	<p>Компьютер, тоног төхөөрөмж, Программ хангамж, Нивелир, теодолит, гэх мэт геодезийн хэмжилтийн багаж, хайгуулын ажлын машин, Стандарт норм дүрэм, төсвийн норм үнэлгээ, төсөв зохиох программ хангамжтай байх</p>
	<p>Төсөвчин-1</p>	<p>Тухайн мэргэжлээрээ 5-аас доошгүй жилийн ажлын туршлагатай бөгөөд түүний 3 жил нь тухайн чиглэлийн ажил гүйцэтгэсэн байх. Мөн замын зураг төслийн ажилд Мэргэшсэн төсөвчнөөр ажилласан байх /энэ чиглэлээр 5-аас доошгүй жилийн ажлын туршлагатай авто замын инженер байж болно./</p>	
	<p>Зургийн техникч - 2</p>	<p>Энэ чиглэлээр 3 жилийн ажлын туршлагатай, үүнээс 2 жилд нь замын хайгуул, зураг төсөл дээр ажилласан байх</p>	




<p>гүүрэн гарц, усны хоолой, авто замын хөдөлгөөнд зориулсан газар доогуурх гарц, хонгил, ус зайлуулах шуудуу, замын хөдөлгөөний аюулгүй байдлыг хангах зориулалттай авто замын зурвас газарт байгаа бусад байгууламжууд хамаарна./</p>	<p>Гүүрийн инженер-2</p> <p>Геодезийн инженер-1</p>	<p>Аль нэг инженер нь тухайн мэргэжлээрээ 8-аас доошгүй жилийн ажлын туршлагатай бөгөөд түүний 5 жил нь тухайн чиглэлийн ажил гүйцэтгэсэн байх, Мэргэшсэн зэрэгтэй байх шаардлагатай</p> <p>Тухайн мэргэжлээрээ 5 жилийн ажлын туршлагатай үүнээс 3 жилд нь замын зураг төсөл дээр геодезийн инженерээр ажилласан байх шаардлагатай. <i>Хэмжилтийн багаж, тоног төхөөрөмжийг</i> чадварлаг эзэмшдэг байх. GPS болон топографын судалгаа, түүнтэй холбоотой программ хангамжийг мэргэжлийн түвшинд ашиглаж чаддаг байх.</p>
<p>Хөдөлгөөн зохион байгуулалтын инженер-1</p>	<p>Төсөвчин-1</p>	<p>Тухайн мэргэжлээрээ 3-аас багагүй жил ажилласан ажлын туршлагатай байх.</p> <p>Тухайн мэргэжлээрээ 5-аас доошгүй жилийн ажлын туршлагатай бөгөөд түүний 3 жил нь тухайн чиглэлийн ажил гүйцэтгэсэн байх. Мөн замын зураг төслийн ажилд Мэргэшсэн төсөвчнөөр ажилласан байх /энэ чиглэлээр 5-аас доошгүй жилийн ажлын туршлагатай авто замын инженер байж болно./</p>
<p>Зургийн техникч - 3</p>		<p>Энэ чиглэлээр 3 жилийн ажлын туршлагатай, үүнээс 1 жилд нь зураг төслийн ажилд ажилласан байх</p>


1.3. Нисэх буудлын хөөрч буух зурвасын зураг төсөл боловсруулах ажил




<p>1.3.1. Нисэх буудлын хөөрч буух зурвасын зураг төсөл боловсруулах</p>	<p>Аэродромын инженер-1</p>	<p>Тухайн мэргэжлээрээ доошгүй жилийн туршлагатай бөгөөд түүний 8 жил нь тухайн чиглэлийн ажил гүйцэтгэсэн байх,</p>	<p>Компьютер, тоног төхөөрөмж, Программ хангамж, Нивелир, теодолит гэх мэт геодезийн хэмжилтийн багаж, хайгуулын ажлын машин, Стандарт норм дүрэм, төсвийн норм үнэлгээ, төсөв зохиох программ хангамжтай байх</p>
<p>Авто замын инженер-1</p>	<p>Авто замын инженер-1</p>	<p>Тухайн мэргэжлээрээ 10-аас доошгүй жилийн ажлын туршлагатай бөгөөд түүний 8 жил нь тухайн чиглэлийн ажил гүйцэтгэсэн байх,</p>	
<p>Геодезийн инженер-1</p>	<p>Геодезийн инженер-1</p>	<p>Тухайн мэргэжлээрээ 8-аас доошгүй жилийн ажлын туршлагатай бөгөөд түүний 6 жил нь тухайн чиглэлийн ажил гүйцэтгэсэн байх,</p>	
<p>Төсөвчин-1</p>		<p>Тухайн мэргэжлээрээ 5-аас доошгүй жилийн ажлын туршлагатай бөгөөд түүний 3 жил нь тухайн чиглэлийн ажил гүйцэтгэсэн байх. Мөн замын зураг төслийн ажилд Мэргэжсэн төсөвчнөөр ажилласан байх /энэ чиглэлээр 5-аас доошгүй жилийн ажлын туршлагатай авто замын инженер байж болно./</p>	
<p>Зургийн техникч - 2</p>	<p>Зургийн техникч - 2</p>	<p>Энэ чиглэлээр 3 жилийн ажлын туршлагатай, үүнээс 2 жилд нь замын хайгуул, зураг төсөл дээр ажилласан байх.</p>	
<p>1.4. Гүүр, туннелийн зураг төсөл боловсруулах</p>			
<p>1.4.1. Гүүр, туннелийн зураг төсөл боловсруулах /30 у/м дээш урттай гүүр, гүүрэн гарц, усны хоолой, авто тээврийн хэрэгслийн болон явган</p>	<p>Гүүрийн инженер-2</p>	<p>Тухайн мэргэжлээрээ 15-аас доошгүй жилийн туршлагатай бөгөөд түүний 10 жил нь тухайн чиглэлийн ажил гүйцэтгэсэн байх, аль нэг инженер нь Зөвлөх зэрэгтэй байх шаардлагатай.</p>	<p>Компьютер, тоног төхөөрөмж, Программ хангамж, Нивелир, теодолит гэх мэт геодезийн хэмжилтийн багаж, хайгуулын ажлын машин, Стандарт норм дүрэм, төсвийн норм үнэлгээ, төсөв зохиох программ хангамжтай байх</p>



<p>зорчигчийн хөдөлгөөнд зориулсан газар доогуурх гарц, бүх төрлийн туннель</p>	<p>Авто замын инженер - 1</p>	<p>Тухайн мэргэжлээрээ 6-аас доошгүй жилийн ажлын туршлагатай бөгөөд түүний 5 жил нь тухайн чиглэлийн ажил гүйцэтгэсэн байх, мэргэшсэн зэрэгтэй байх шаардлагатай.</p> <p>Тухайн мэргэжлээрээ 5 жилийн ажлын туршлагатай үүнээс 3 жилд нь замын зураг төсөл дээр геодезийн инженерээр ажилласан байх шаардлагатай. Хэмжилтийн багаж, тоног төхөөрөмжийг чадварлаг эзэмшдэг байх. GPS болон топографын судалгаа, түүнтэй холбоотой программ хангамжийг мэргэжлийн түвшинд ашиглаж чаддаг байх.</p>	
<p>Төсөвчин-1</p>		<p>Тухайн мэргэжлээрээ 5-аас доошгүй жилийн ажлын туршлагатай бөгөөд түүний 3 жил нь тухайн чиглэлийн ажил гүйцэтгэсэн байх. Мөн замын зураг төслийн ажилд Мэргэшсэн төсөвчнөөр ажилласан байх /энэ чиглэлээр 5-аас доошгүй жилийн ажлын туршлагатай авто замын инженер байж болно./</p>	
<p>Зургийн техникч - 3</p>		<p>Энэ чиглэлээр 3 жилийн ажлын туршлагатай, үүнээс 2 жилд нь замын зураг төслийн ажилд ажилласан байх.</p>	
<p align="center">1.5.Техник, технологийн хяналт тавих зөвлөх үйлчилгээ үзүүлэх</p>			
<p>1.5.1. Техник, технологийн хяналт тавих зөвлөх үйлчилгээ үзүүлэх</p>	<p>Төслийн захирал /Зөвлөхийн захирал/</p>	<p>Зам барилгын ажилд 15 жил, үүнээс 10-аас доошгүй жил зураг төслийн болон хяналтаар ажилласан Зөвлөх инженер.</p>	<p>Компьютер, тоног төхөөрөмж, Программ хангамж, Нивелир, теодолит гэх мэт геодезийн хэмжилтийн багаж, ажлын машин, Стандарт</p>



	Хяналтын багийн ахлагч	Зам барилгын чиглэлээр 10 жил, үүнээс 8-аас доошгүй жил зураг болон хяналтанд ажилласан, зам, гүүрийн инженерийн мэргэжилтэй Мэргэшсэн инженер байх	норм дүрэм, төсвийн норм үнэлгээ, төсөв зохиох программ хангамжтай байх
Замын инженер-2	Замын инженер-2	Зам барилгын чиглэлээр 5 жил, үүнээс 3-аас доошгүй жил хяналтанд ажилласан, замын инженерийн мэргэжилтэй байх. Аль нэг инженер нь мэргэшсэн зэрэгтэй байх.	
Гүүрийн инженер-1	Гүүрийн инженер-1	Зам барилгын чиглэлээр 5 жил, үүнээс 3-аас доошгүй жил хяналтанд ажилласан, гүүрийн инженерийн мэргэжилтэй байх	
Материалын инженер-2	Материалын инженер-2	Тухайн чиглэлээр 5 жил, үүнээс 3-аас доошгүй жил хяналтаар ажилласан, хяналтын ажлын туршлагатай, зам, гүүрийн инженерийн мэргэжилтэй байх эсвэл дээрхи шаардлагыг хангасан барилгын материалын инженер байж болно.	
Тоо хэмжээний инженер-1	Тоо хэмжээний инженер-1	Тухайн чиглэлээр 5 жил, үүнээс 3-аас доошгүй жил хяналтаар ажилласан, хяналтын ажлын туршлагатай, зам, гүүрийн инженерийн мэргэжилтэй, Мэргэшсэн төсөвчин байх	
Хэмжилтийн инженер-1	Хэмжилтийн инженер-1	Тухайн чиглэлээр 5 жил, үүнээс 3-аас доошгүй жил хяналтанд ажилласан, хяналтын ажлын туршлагатай, зам, гүүрийн инженерийн мэргэжилтэй байх эсвэл геодезийн инженерийн мэргэжилтэй байж болно.	



	Хэмжилтийн болон материалын инженерийн туслах-2	Тухайн чиглэлээр 2-оос доошгүй жил ажилласан, хэмжилт ба материалын ажлын туршлагатай байх бөгөөд зам, гүүрийн болон геодезийн чиглэлийн техникчийн мэргэжилтэй байх.	
--	---	---	--



---00---

ХОЁР. Авто зам, замын байгууламжийг барих, засварлах, арчлах ажлын хүрээнд

Нийтлэг нөхцөл шаардлагыг хангахаас гадна дараах шаардлагыг хангасан байна.

Суурь нөхцөл, шаардлага:

Ажилбар	Шаардлагатай инженер-техникийн ажилтан	Шалгуур үзүүлэлт	Шаардлагатай машин, механизм, тоног төхөөрөмж	
2.1. Авто замын барилга				
2.1.1. Хатуу хучилттай зам барих /цементбетон, асфальтбетон, хөнгөвчилсэн хучилт 12 у/м хүртэлх замын ус зайлуулах /	Авто замын инженер-3	Аль нэг инженер нь мэргэшсэн зэрэгтэй байна.	Эксковатор-2 Бульдозер-1 Автогрейдер-2 Ачигч-3 Доргиурт индүү-1 Хийн дугуйт индүү-1 Асфальтны индүү-1 Автогударнатор Өөрөө буулгагч-1 Усны машин-2 Асфальт дэвсэгч-1 Авто кран-1 Шигшүүртэй чулуу бутлуур-1 Асфальтобетон завод-1 Лаборатори /иж бүрэн/ -1 Геодезийн иж бүрдэл-1 Хээрийн лаборатори-1	
	Гүүр, хиймэл байгууламжийн инженер -1	Ажлын туршлагатай байх		
	Геодезийн инженер-1	Ажлын туршлагатай байх		
	Материалын инженер-1	Ажлын туршлагатай байх		
	2.1.2. Хучилтгүй зам барих	Авто замын инженер-2	Аль нэг инженер нь мэргэшсэн зэрэгтэй байна.	Эксковатор-1 Бульдозер-1 Автогрейдер-1 Ачигч-1 Доргиурт индүү-1 Хийн дугуйт индүү-1 Индүү-1 Өөрөө буулгагч-2
Геодезийн инженер-1		Ажлын туршлагатай байх		



	Материалын инженер-1	Ажлын туршлагатай байх	Усны машин-1 Шигшүүртэй чулуу бутлуур-1 Лаборатори-1 Геодезийн иж бүрдэл-1
2.2. Авто замын байгууламж			
2.2.1. Бүх төрлийн гүүр, гүүрэн гарам /12 у/м-ээс дээшхи бүх төрлийн ус зайлуулах хиймэл байгууламжууд/	Авто замын инженер-1	Ажлын туршлагатай байх	Экскаватор-1 Бульдозер-1 Автогрейдер-1 Ачигч-2 Доргиурт индүү-1 Хийн дугуйт индүү-1 Өөрөө буулгагч-1 Усны машин-1 Автокран-2 Лаборатори-1 Геодезийн иж бүрдэл-1
	Гүүрийн инженер-2	Аль нэг инженер нь мэргэшсэн зэрэгтэй байна.	
	Геодезийн инженер-1	Ажлын туршлагатай байх	
	Материалын инженер-1	Ажлын туршлагатай байх	
2.2.2. Туннель, газар доогуур нүхэн гарам барих, засах	Авто замын инженер-1	Ажлын туршлагатай байх	Экскаватор-1 Бульдозер-1 Автогрейдер-1 Ачигч-1 Доргиурт индүү-1 Хийн дугуйт индүү-1 Өөрөө буулгагч-1 Автокран-1 Лаборатори-1 Геодезийн иж бүрдэл-1
	Гүүрийн инженер-2		
	Геодезийн инженер-2		
	Материалын инженер-2		



2.3. Зам барилга, засварын материал, хийцийн үйлдвэрлэл			
2.3.1. Зам барилга, засварын материал, хийцийн үйлдвэрлэл	Авто замын инженер-1	Ажлын туршлагатай байх	Эксоватор-1 Бульдозер-1 Автогрейдер-1 Ачигч-2 Өөрөө буулгагч-4 Усны машин-1 Шигшүүртэй чулуу бутлуур-1 Асфальтобетон завод-1 Бетон зуурагч-1
	Гүүрийн инженер-1		
	Материлын инженер-2		
2.4. Авто замын засвар, арчлалтын ажил			
2.4.1. Бүх төрлийн замын засварын ажил	Авто замын инженер-1	Ажлын туршлагатай байх	Автогрейдер-1 Ачигч-1 индүү-1 Эксоватор-1
	Геодезийн инженер-1		
	Материлын инженер-1		
2.4.2. Бүх төрлийн гүүрийн засварын ажил	Авто замын инженер-1	Ажлын туршлагатай байх	Автокран-1 Бетон зуурагч-1
	Гүүрийн инженер-1		
	Материлын инженер-1		
2.4.3. Зам, талбайн тохижилтын ажил	Авто замын инженер-1	Ажлын туршлагатай байх	Автогрейдер-1 Ачигч-1

хийх, засварлах	Материалын инженер-1	индүү-1 Экскватор-1
2.4.4. Замын тоноглол, тэмдэг, тэмдэглээний ажил	Авто замын инженер-1	Замын тэмдэг үйлдвэрлэх тоног төхөөрөмж, тэмдэглээний машин
2.4.5. Бүх төрлийн зам, замын байгууламжийн арчлалтын ажил	Авто замын инженер-1	Автогрейдер-1 Ачигч-1 Бага оврын индүү-1

